



Vniuersa Theologia Scholastica, Speculatiua, Practica

Ad methodum S. Thomæ, quatuor Tomis comprehensa

Tanner, Adam

Ingolstadii, 1626

II. Quas res Angeli loco mouere possint, an non solum substantias corporeas, fed etia[m] incorporeas, & quo modo.

[urn:nbn:de:hbz:466:1-72856](https://nbn-resolving.de/urn:nbn:de:hbz:466:1-72856)

DVBIVM II.

*Quas res Angeli loco mouere, aut
sistere possint; an non solum cor-
poreas, sed etiam alias spirituales
substantias; & quo modo; an
etiam impresso impetu; & vir-
tute illimitata ad mouendum.*

S. Thomas I. p. q. 109. a. 4. & 110. a. 3.

Duo hac dubitatione queruntur. Primum spectat subiectum mobile; cum enim ex duobus praecedenti constet, corpora ab Angelo moueri posse, nunc quæstio est, tum de Angelis, tum de animabus; an scilicet Angeli animas, & unus Angelus alium Angelum loco mouere naturaliter possit; aut etiam in loco sistere seu detinere. Alterum pertinet ad modum mouendi; siue iste spectetur ex parte medij, an scilicet fieri possit etiam impresso impetu seu impulsu, quo mediante Angelus moueat: siue spectetur ex parte subiecti, & virtutis motus naturalis: ubi quæstio est, an hæc sit determinata, tam in ordine, ad magnitudinem subiecti mobilis; quam velocitatem motus.

Assertio I. Angeli propria sua & naturali potentia, non solum corporeas substantias, sed etiam animas hominum; adeoque unusquis eorum, etiam Angelum alium loco mouere, in eoque sistere potest. Hac assertio quoad animas est communis sententia, & traditio Patrum, ac Theologorum, qui docent, animas damnandas, cum primum separantur à corpore, à dæmonibus violenter raptari ad tartara. De Angelis vero inter se comparatis res non est tam certa, nec ab antiquis Theologis admodum disputata; eam tamen tradunt Maior in 2. dist. 2. q. 7. Molina q. 52. a. 3. Suarez Metaph. disp. 35. sect. 6. n. 28. & hic lib. 4. cap. 28. Zumel hic q. 53. art. 3. q. 5. & Pefantius a. 1. disp. 2. eti Vasquez disp. 194. cap. 3. contrarium sentiat, afferens, fruolum esse, quod quidam communiscuntur, Angelos aliquos tantum esse virtus, ut aliquo impulsu quasi impresso alteri Angelo, ipsum moveant ad alium locum, vel alii loco alligent, cum hoc sit proprium corporum.

Sed abstrahendo nunc à modo, eum motum efficiendi, an scilicet fieri impresso impulsu, an non, probatur assertio I. Quia demones naturali virtute raptant & mouent animas damnatas ad infernum, vt dictum: nec enim vlla est ratio, cur hoc ab eis fieri dicatur virtute supernaturali; Ergo etiam Angeli possunt alios Angelos ita mouere: quandoquidem pars est ratio utroque; tam ex parte mobilis, cum utrumque sit spirituale; quam ex parte mouentis, saltem si Angelus alium Angelum mouens ponatur esse superior respectu huius, adeoque maioris virtutis naturalis. II. Angelus sua natura est loco mobilis ab extrinseco, nimisrum à Deo; nec iste effectus, cum sit finitæ perfectionis,

per se requirit infinitam virtutem; alias enim nec seipsum Angelus naturaliter mouere posset. Ergo non est ratio, cur negetur posse effici ab aliquo Angelo saltem superiore, eo; qui mouendus est. III. Omnis substantia viuens, quæ seipsum potest loco mouere, potest etiam ab alia sui generis moueri, si modo fortiori habeat vim ad mouendum, quam altera ad resistendum: Vel quod idem est: Omnis substantia, quæ seipsum naturaliter loco mouere potest, potest etiam eadem vi naturaliter etiam similem sibi, adeoque capacem naturaliter motus localis, loco mouere; si modo alias virtute naturali huius resistentiam supererit; vt patet tum inductione; tum ratione; quia eadem est potentia ad se, & ad aliud sibi simile mouendum, ceteris paribus. IV. Non male argumentatur Maior loc. cit. Angelus potest mouere corpus secundum omnes: Ergo potest mouere Angelum inferioris, vel eiusdem speciei. Denique nulla est ratio in contrarium.

Assertio II. Angelus non potest naturaliter mouere alium Angelum inuitum, adeoque resistentem, se superiore, nec omnino æqualem, sed tantummodo inferiorem, siue secundum speciem, siue secundum rationem individuum. Hanc assertionem quoad superiorem Angelum secundum speciem, expresse tradunt Maior, Suarez, & alii citati; eademque est ratio superioris secundum rationem individuum, aut etiam plane æqualis; si quidem talis detur inter Angelos eiusdem speciei, naturalis virtutis excessus aut æqualitas. Ratio est. Quia à proportione inæqualitatis, aut etiam omnimodæ æqualitatis, tam ad agendum ex unius parte, quam ad resistendum ex parte alterius, non sequitur actio: sed bene ab excessu virtutis ad agendum respectu passi ad resistendum; quo autem Angelus naturaliter superior est, eo habet maiorem vim agendi & mouendi, quam inferior; ac proinde etiam habet maiorem vim ad mouendum, quam hic ad resistendum: Ergo potest hunc quamvis inuitum & repugnantem loco mouere. Etsi Zumel loco citato putet, nec inferiorem quidem Angelum posse inuitum loco moueri à superiori, sed absque fundamento, vt recte Suarez hic loco citato num. 9. & 10.

Assertio III. Potest tamen Angelus inferior naturaliter loco mouere etiam superiore; si hic non resistat. Ita Suarez cum alijs loc. cit. Ratio est. Quia cum alioquis superior Angelus sit natura sua mobilis loco; & resistentia illa arbitraria sit ipsi, sane hac sublata, nihil est, quod motu etiam ab inferiore adhibendum impediat. Nec enim, vt in corporibus accidit, resistentia illa in Angelis naturalis & necessaria est: alioquin etiam respectu motus intrinseci resistentiam haberent; sed arbitraria, vt dictum. Nisi quis dicat, proper naturalem improportionem, & defectu virtutis, ex parte Angelis mouentis, fieri non posse, vt Angelus inferior superiorem unquam mouere naturaliter possit: sicut corpus non potest mouere spiritum, &c. Quod non videtur omnino incredibile.

Ascertio

6 A assertio IV. Diuina autem virtute fit, ut sicut Angelus malus, licet natura superior, nequeat mouere inferiorem bonum; ita possit inferior bonus superiorem malum mouere aut sistere loco, quantumvis renitentem. Ita iuxta Sanctum Thomam quest. 109. art. 4. Suarez, & recentiores citati pro assert. praecedent. Ratio est. Non solum quia plane indecens est, & inconveniens statui beatorum, ut vim ullam patiantur ab illo agente creato; nedum ab Angelis damnatis; sed etiam quia cuiusdam imperfectionis est, moueri solum ab extrinseco; quæ proinde imperfæctio à beatis Angelis absesse debet. Quia de causa existimat Suarez hic numero octavo, etiam inter beatos Angelos, nunquam moueri unum ab alio; non solum inuitum, sed nec etiam violentem. Præsertim quia Angelus beatus ad nutum alterius se mouet, quando alter impetrandi potest habet; quo sit, ut sola locutio, sine alia extrinseca actione, inter sanctos Angelos sufficiat.

7 Nec obstat, quod Christus homo beatus à dæmonibus translatus & loco motus est. Christus enim simul Viator erat, qui sicut alia huius vita mala, & defectus naturales, ut mors & tormenta, ab extrinseco inferri poterunt, ita etiam motus localis à dæmonibus, si quidem ipse illis nolle resistere.

8 E contrario autem, quia diuina lege & ordinatione dæmones nunc, in statu damnationis, Angelis beatis subiacent, eorumque potestate compescuntur & coercentur, ut docet Sanctus Thomas loc. citat. & ex scriptura constat, hinc sit, ut diuina virtute Angeli beati, licet natura inferiores, possint dæmones quamvis resistentes facile loco mouere aut continere; quia virtus gratia maior est, quam natura: sive quia dæmonum vis alioqui naturalia ad resistendum diuinum cohibetur, sive quia vis motiva Angeli beati diuino munere auctor est. Nec obstat, quod Angeli per peccatum naturalia non amiserunt; sed eadem etiam post peccatum integra conseruant. Hoc enim intelligendum est, de naturalibus viribus in actu primo spectatis; non autem de ipsius naturalium virium, ut etiam quest. præced. dictum.

Atque hæc de subiecto mobili, ad priorem huius dubitationis partem pertinent. Ad alteram vero partem, de modo mouendi, sequentes assertions spectant.

9 A assertio V. Cum Angelus alium Angelum seu spiritum loco mouet, non mouet impresso impletu; sed immediate per seipsum. Ita à posteriori Suarez citandus assert. 8. Ratio est. Quia hoc ex una parte non est necessarium, siquidem Angelus potest mobile, cui praesens est, per seipsum immediate mouere, ut dicetur. Ex altera vero dubium est, an Angelus impletu; seu virtutem motiuam immediate per seipsum mobilis imprimere possit; & probabile est, non posse, nisi per instrumentum corporeum, quod respectu spiritus locum non habet.

10 A assertio VI. Quando Angelus corpori saltem secundum aliquam eius partem praesens est & permanet, tum potest & solet Angelus pro suo libitu

id mouere immediate perse ipsum, sine illo impletu; ipsi impresso, adeoque etiam lapidem in aëre tū oblique ciere; tum sistete ubi voluerit. Ita sentio cum Suarez Metaph. d. 35. sec. 6. h. 25 & his li. 4. c. 31. contra Vasquez d. 182. d. 218. n. 9, ubi docet, non solum posse Angelum per se immediate imprimere impletu; corpori, eoq; mediante corpus etiam distans mouere; (quod docet etiā Molina q. 110. a. 3.) sed etiā necessaria esse eam impletus impressio nem, quoties corp⁹ ab Angelo in medio aëre quasi suspensum detinetur, vel per aërem secundum lineam transuersam mouetur.

11 Probatur assertio. Primo enim modus magis connaturalis est, absque impresso impletu mouere; non solum quia per se minor hic violentia interuenit, sed etiā quia natura odit superflua; & quod æquè facilē & commode potest fieri per patioria, non solet fieri per plura; potest autem Angel⁹ corpus sibi praesens sine impletu impresso mouere; quia nec vis activa, nec cōditio requisita ad hunc effectum deest. Deinde quod speciatim ad detentionem corporis in libero aëre attinet, nihil opus est impletu impresso. Quia sicut Angelus per seipsum mouere corp⁹ potest, adeoq; successivè & cōtinuo aliud & aliud ubi in eo produceret, ita potest etiā per se immediate idem ubi cōstanter in eodem cōseruare, quo factò nihil opus est alio impletu seu qualitate ab Angelo impressa: sicut id agens calidum ut quatuor, potest in aqua calore ut quatuor producere, & similiter etiā perpetuo influxu eūdem conservando, obſtare, ne eadem aqua ad suum statū naturalem frigiditatis se educat. Idem est, cū lapis ab Angelo in aëre per transuersam lineam mouetur, quia nec tunc opus est impresso impletu; sed satis est Angelo imediata sui applicatione, & permanente coniunctione cum eodem, eundem ita mouere; hæc ipsa enim efficacia Angelis per seipsum immediate mouentis, sufficit, tum ad lapidem mouendum, tum ad eūdem detinendum, ne descendat, ut bene Suarez cit. cap. 3. n. 7. & 8.

12 Ex quo colligitur, re ipsa etiam eodem ab Angelo moueri, absque impresso impletu, seu virtute motuua & impulsu in eodem producta: quia Angelus celo à se mouēdo substantialiter praesens est, ut cum Aristotele lib. 8. Physis. c. vlt. & 2. de celo c. 2. docent S. Thomas 1. p. q. 52. a. 2. Bonaventura, Scotus, & alij in 2. d. 2. qui dicunt, Angelum esse in aliqua determinata cœli parte, vnde motum inchoat; potest ergo Angelus cœlū per seipsum mouere, etiamsi ipse interim eum eo non circumvolvatur, sed immobilitas persistat: Ergo superuacuus est impletus impressus. Deinde omnis impletus mobili impressus, cum in progressu deficiat & debilitetur, hoc sua natura habet, ut initio celeri, quam circa finem, aut medium, idem mobile moueat: motus autem cœli est æqualis & uniformis: Ergo impossibile est naturaliter, ut impresso impletu efficiatur. Quia tamen Angelus non potest totius cœli substantie immediata praesens esse (sic enim simul etiam facile in cœlo posset esse, & in terra) ideo fatendum est motum cœli ab una certa parte, cui praesens est Angelus, inchoati, & sic per totum corpus eiusdem cœli consequenter diffundi; ita ut non quidem tempore, sed natura prius

moueatur illa pars cui præsens est, hæc vero secum alias, ob mutuam solidamque connexionem, quæsi pertrahat, ut pluribus declarat Suarez cit. c. 3 l.

ASSERTIO VII. Potest tamen etiam Angelus mediante corpore, seu instrumento corporeo, alteri corpori, mobili, impetum seu vim motuam imprimere, & ita mediante impetu impresso mouere; idque re ipsa necessario fit, quando Angelus mouens, mobili, dum ita mouetur, præsens non est. Ita Suarez hic & Metaph. disp. loc. citat. & consentiunt à fortiori Vasquez & Molina mox citandi. **Ratio est.** Quia quicquid per seipsum immediate potest aliquid corpus mouere, eo ipso etiam potest id ipsum corpus violenter impellere in aliud corpus; vt ita huic impetus seu vis motuam imprimatur. Quibus consentiunt ea, quæ à spiritibus nocturnis non unquam factitari audimus, vt cum lapides, vasa, resq; alias in ædib; hinc inde proiecunt, & collidunt. Ex quo sequitur Angelos posse mouere corpora, non solù quasi portando, aut trahendo, sed etiam projiciendo, saltè mediante alio corpore, tāquam instrumento, vt dictum,

ASSERTIO VIII. An vero possit Angelus per seipsum immediate corpori imprimere impetu, seu qualitatē motuā, vel nō, incertū est, & utrumq; probabile. Probatur & declaratur. Affirmant enim sententiā tradūt Molina q. 110. a. 3. & Vasquez cit. d. 218. n. 9. & suaderi potest. Tū quia vtroq; modo posse mouere corpus, scilicet immediate per se, & mediate impetu seu impulsu, cuiusdā perfectionis est, quæ cū hominibus conueniat, non videtur deneganda Angelis, cū habeant virtutē motiuā multo præstantiorē, quā homines. Tū quia ciudē virtutis esse videtur, mouere aliquid violenter, & qualitatē motuam transeuntem ad hoc imprimere.

Negatiuam autem velut probabilem tuerit Suarez Metaph. d. 35. sec. 6. n. 24. & 25. tametsi hic cit. l. 4. c. 31. a. n. 9 rem in medio dubiā relinquit, ratus utramq; partē esse probabile. **Ratio est.** Tum quia ex communi Doctorū sententiā, Angelī nō possunt aliqd extra se efficere immediate, præter motu localem, non autem aliquā qualitatē, qualis est etiā impetus ille seu impulsus, qui nihil aliud est, omnī fententia, quā qualitas motiuā. Tum quia ex suo genere perfectior est modus ille mouendi per seipsum immediate, quam mediante impetu, non solum quia magis conaturalis est, vt dictū, sed etiā quia hac ratione motus ipse magis in potestate mouentis est, eiusq; arbitrio plenius subiacet. Cū ergo Angelus facile possit omnia mouere immediate per seipsum, vt ex dictis colligitur, non opus habet vi produciū impulsū: praterquā quod ipsum etiā impulsū, si coquandoq; opere est, efficere potest saltem mediante alio corpore, velut instrumēto, vt dictum: sicut etiā cæteras qualitates & formas, quas corpora per seipsum immediate producunt, Angelī non possunt producere, nisi mediantibus causis secundis vt dicetur. Ex quibus etiam patet responsio ad contraria fundamenta.

ASSERTIO IX. Vis motiuā Angelī determinata est, non solù quoad pondus mobilis, seu qualitatē corporis mouendi, si in motu resistentiā habeat: sed etiā quoad velocitatē motus, in quocunq; determinū mobili efficiendi: ita vt non possit Angelus na-

turaliter quocunq; velit corpus & quanta velit, celeritate loco mouere, sed vt determinata suiq; vi:ibus non imparem molē ea celeritate mouere possit, quæ naturali ipsius Angelī perfectioni respondet. Ita ex confundi & certa Vasquez d. 197. Suarez Metaph. d. 35. sec. 6. & hiel. 4. c. 32. & Delius l. 2. disquisit. Mag. q. 16. vbi etiam contrarium damnaſſe fertur articulus quidam Parisiensis.

Ratio est. Qui a virtus motiuā Angelī fuita est. Ergo determinata ad certā velut quāritatē obiecti, & velocitatē perfectionē. Dixi tamen, si mobile resistentiā habeat: hinc enim tantū, & nō ex ipsa precipite magnitudine mobilis petenda est limitatio & determinatio virtutis motiuā. Quod si corpus resistentiā ad motū non habeat, vt est cœlū, nil obstat, quo min⁹ aliud maius etiā in infinitum syncategoreticē ab Angelo moueri possit, vt recte Suarez hic lo. cit. & particulatum dicitur d. seq. q. 4. dub. 3. Sicut ob eandem causam diximus supra, posse Angelum non resistentem etiam superiorē a quolibet inferiori Angelo moueri.

E contrario, si mobile resistentiā habeat, vt habent omnia grauiā, imo etiā omnia sublunaria, sive ex se, sive ex parte medijs fieri poterit, vt mobile tāta sit resistentiā, quæ ab Angelo naturaliter superari nō possit, vt credibile est, re ipsa ob hanc quoque causam, etiā abstrahēdo à lege Dei hoc in pudente, totā terrā ab uno Angelo moueri nō posse. Ut vero nōnulli docuerunt, posse Angelū scipsum maiori & maiori celeritate in infinitū mouere, eo quod resistentiā nō habeat, ita existimat Suarez hic non improbabile, posse Angelū qualibet maiori celeritate in infinitū mouere cœlum, aliudque mobile, quod nullā resistentiā habeat, sed contrariū est verius, vt ipsius fateretur, & suo loco dictū supra q. 2. du. 8. De motu vero celorum per Angelos pluribus agetur d. 6. q. 4. dub. 3.

D V B I V M 'III.

Quid particularium de translatione sagarum ad earundem conuentus sententiarum: an vere, & quare ratione à diabolo transferantur.

Ad S. Thomæ p. 1. q. 110. art. 3.

Qvia generalis doctrina per se parum utilitas habet, nisi quoad opus est, etiam ad particularia, velut ad praxin possit applicari, opera preium est, illam multorum indicis ventilatam questionem, cum tradita hactenus doctrina coniunctam discutere, an nimis, & qua ratione sagae seu striges, utriusque sexus, à dæmons verē & corporaliter transferantur, ad nocturna illa, que omnium ore celebrantur, conuenticula, in quibus omnis generis nefaria criminis, nefandasque voluntates exerceant. Quæ quæstio tamē ad iudicia de sagis rite ferenda non parum habeat momenti, non tamen ad tribunalia iudicium, sed cathedras Theologorum ventilata pertinet, ut pote ex principijs Theologicis potissimum, non ex fori legibus decidenda.

Sunt autem hac de re vniuersim duas scriptorum sententiarum. Prima vniuersim negat, sagas sive

striges